

Obilježavanje Međunarodnog dana pismenosti u NUBBiH

Celebration of International Literacy Day at NULB&H

Nadina Grebović, bibliotekarka / Librarian

NUBBiH / NULB&H

Sarajevo, BiH

e-mail: nadina@nub.ba

Nacionalna i univerzitetska biblioteka je 8. septembra 2009. obilježila Međunarodni dan pismenosti (UNESCO). Tim povodom održan je salon knjiga, na kojem su posjetici dobili knjigu na poklon.

National and University Library of B&H celebrated International Literacy Day (UNESCO) on September 8, 2009. On that occasion the Library arranged Book show and presented every visitor with a book

Nakon održavanja Svjetske konferencije ministara obrazovanja u Teheranu (1965), čija je glavna tema bila iskorjenjavanje nepismenosti u svijetu, sudionici su preporučili da UNESCO utemelji Međunarodni dan pismenosti koji će se obilježavati svake godine. Prijedlog je usvojen i Međunarodni dan pismenosti se obilježava svakog 8. septembra. Na taj dan UNESCO organizira različite programe kojima pomaže zemljama u razvoju da povećaju stopu pismenosti (URL: <http://www.unesco.org/en/literacy/>).

Nacionalna i univerzitetska biblioteka BiH je ovaj dan obilježila organiziranjem salona "Knjiga na poklon". Osmišljeno je da stručni tim bibliotekara NUBBiH pažljivo odabre naslove čiji prekomjerni broj zadovoljava fondove NUBBiH i biblioteka u okruženju. Nakon toga je upriličen izložbeni salon na kojem su korisnici i posjetici mogli izabrati po jedan od ukupno 60 ponuđenih naslova i uzeti ga na poklon.

Salon je privukao veliku pažnju pisanih i printanih medija.

Šta su rekli posjetioци salona?

Treba biti više sličnih akcija, knjige su čovjekov prijatelj u ovom vremenu haosa i interesa. Hvala biblioteci na lijepom gestu, nadam se da će biti u situaciji da i dalje na sve višem nivou funkcioniše.

E, baš super da se neko sjetio da nam nešto pokloni J

Mislim da je ovo izvanredna stvar koja je urađena i hvala Vam na ovome.

Odlična ideja, nadam se da će se u budućnosti moći realizirati u većim razmjerima i učiniti knjige dostupnim sve većem broju zapostavljene djece, omladine i odraslih u našem društvu.

Stvarno je super, našla sam neke zanimljive knjige. Hvala!

Mislim da je ovo super ideja. Mnogo hvala! Čast mi je biti član Vaše biblioteke.

Sve pohvale, nadam se da će biti još sličnih akcija u budućnosti. Dobrih knjiga nikad dosta!!!

Oduševljena sam ovom akcijom podjele knjiga. Nadam se da će se ove akcije nastaviti svake godine.

Posebno mi se sviđela akcija jer nam je na raspolaganju veliki izbor knjiga iz raznih područja.

Jako mi se sviđelo što sam neočekivano ponuđena da uzmem knjigu koja mi se sviđa i jako sam zadovoljna. Svaka čast.

Super organizacija. Sve pohvale!

Puno sam zahvalna na poklonu i drago mi je što postoje ovakve akcije za studente i što se na ovakav način obilježava Dan pismenosti.

Mislim da je ovo sjajna stvar i predstavlja dobru ideju za dodatnu motivaciju ljudi koje vole čitati.

Hvala na jednom humanom gestu jer su knjige jako vrijedne.

Smatram da su ovakve akcije značajne za studentsku populaciju. Nadam se da će se Nacionalna i univerzitetska biblioteka uskoro vratiti u svoju kuću – Vijećnicu.

Svaka pohvala. Ovo je stvarno dobra stvar. Voljela bih kad bi ovakvih akcija bilo više. S obzirom da studenti većinom nisu u mogućnosti kupovati dodatnu literaturu osim ove obavezne. Ja se zahvaljujem.